

集部

欽定四庫全書歐陽文粹卷四至

集部

詳校官庶吉士臣范進恩

檢討臣何思釣覆勘 校對官中書臣孫 總校官庶吉士臣倉聖脉

謄録監生 臣華春芳 於録與人臣共壽朋

球

**飲定四車全雪** 煩不甚遠故竊自謂有可以助萬一而塵聽題者謹 見國家自元昊叛逆聞西用兵以來為國言事者 陽文粹卷四 未敢自信今兵與既久賊形已露如臣 歐陽文粹 賊情然臣迂儒不識兵之 宋 陳亮 猵 素

卒然而來當是時吾之邊屯寡弱城堡未完民習久 條以 侵邊自古為患其攻城掠野敗則走勝則來蓋其常 深 此中策也故賊兼而用之若夫假借名號以威其衆先 掠而去可邀擊其歸此下策也故賊知 而民不見兵者二三十年矣使賊萌亂之初藏形隱計 而易驚将非素選而敗怯使其羊驅豕突可以奮然而 入然國威未挫民力未疲彼得城而居不能久守虜 開惟陛下仁聖寬其狂妄之誅幸甚夫關西弛備 而不為之外 國

7.17.10

擊吾之易取者一二以悅其心然後訓養精銳為長久 幸又遇水旱之災調飲不勝而盜賊羣起彼方奮其全 銳擊吾困弊可也使吾不堪其因忿而出攻決於一 彼則不來如此相持不三四歲吾兵已老民力已疲, 而勞之也或擊吾東或擊吾西乍出乍入所以使吾兵 ) 謀故其來也雖勝而不前不敗而自退所以誘吾兵 以逸而待吾勞亦可也幸吾苦兵計未知出遂求通 備多而不得減息也吾欲速攻賊方新銳坐而待戰

Cal Date Links

**!** 

歐陽文粹

歲矣又有十四五萬之鄉兵不耕而自食其民自古未 者上策也而賊今方用之今三十萬之兵食於西者二 昊之為賊威能畏其下恩能死其人自 多禮而不殺此其兇謀所畜皆非倉卒者也奈何彼能 上逾年而不出一出則鋒不可當執劫籍官獲吾将 有四五十萬之兵連年仰食而國力不困者也臣聞 困則賊謀無施而不可此兵法所謂不戰而疲人兵 以邀咸時之賂度吾困急不得不從亦可也是吾力 初借 叛嫚書 帥

金分四月全書

卷四

兵攻守而已然皆以財用為強弱也守非財用而不 **積栗以紓西人而完國壯兵則賊謀沮而廟算得矣** 廷之大計也所謂廟算而勝者也不可以不思今賊 料賊謀之心内察國家之勢知彼知此因謀制敵此 将 以上策而疲吾吾不自知其已困彼為久計以撓我 可知以久而疲我耳吾勢可察西人已因也誠能豐財 無長策而制之哉夫訓兵養士伺隊乗便用問出奇 帥之職也所謂聞外之事而君不御者可也至於 朝 此

大型日日 二十

歐陽文粹

唐突厥吐蕃常與中國相勝敗擊而勝之有矣未有樂 肵 而滅者秦漢尤强者其所攻今元昊之地是也況自 計臣未見其可也四五十萬之人坐而仰食然關西 其兇鋒是攻守皆未有休息之期而財用不為長久之 平陷没賊鋒熾銳未當挫匈攻守之計非臣所知天威 天下而不得志漢因文景之富力三舉而絕得河南 鱼牙口屋在書 加雖終期於掃盡然臨邊之将尚未聞得賊緊 不待言請試言攻告秦席六世之強資以事胡卒困 卷四 隊 隋 劉

而罷之矣至於鬻官入粟下無應者改法推貨而商於 能加多則必通其漕運而致之漕運已通而關東之 内遭水旱而多故天下之患可勝道哉夫關西之物 而 不行是四五十萬之人惟取足於西人而已西人何為 地物不加多關東所有莫能運致掊克細碎既以無盆 三術並施則財用足而西人紓國力完而兵可以久以 不困困而不起為盗者須水旱爾外為賊謀之所疲 充則無得而西矣故臣以為通漕運盡地利權商賈

**人三回軍公司** 

Į

歐陽文粹

金分世居全書 謀非旦夕而可效故為長久而計者初若迁愚而可笑 守以攻惟上所使夫小瑙目前之利既不足為長久之 請上便宜三事惟陛下裁擇其一曰通漕運臣聞今為 在汴漕運不西而人之習見者遂以為不能西不知秦 在必而行之則其利溥矣故臣區區不敢避迁愚之責 漢隋唐其都在雍則天下之物皆可致之西也山川地 西計者皆患漕運之不通臣以為但未求之耳今京師 形非有變易於古其路皆在告人可行今人胡為而不

避 卿 其遗倉之迹往往皆在然皆尚有三門之險自唐裴耀 為倉轉相運置而關東汾晉之粟皆至渭南運物最多 少其後武帝盆修渭渠至漕百餘萬石隋文帝時公水 可漢初歲漕山東粟數十萬石是時運路未修其漕尚 其險卒诉河而入渭當時歲運不減二三百萬石其 劉晏遵耀柳之路悉漕江淮之米以實關西後世言 經財利而善漕運者耀卿與晏為首今江淮之米歲 又尋惰迹於三門東西置倉開山十八里為陸運以 7 次易し卒 í

為 通 晏初理漕時其得尚少至其末年所入十倍是可久行 阻然後按求耀卿之迹不憚十許 今兵之食汴漕者出成甚衆有司不惜百萬之栗分 及之其患者三門阻其中爾今宜沒治汴渠使歲運不 入于汴者六百萬石誠能分給闡西一二百萬石足矣 法明矣此水運之利也臣間漢高祖之入秦不由東 之況昔人行之而未遠今人行之而豈難哉耀卿 而物可致且舒開西之困使古無法今有可為尚當 里陸運之勞則河漕 而

とこう 均房光化浴漢之地十一二州之物皆可漕而頓之 遗老云自鄧西北至永興六七百里今小商賈往往 駧 狹 關奔南陽則自古用兵往來之徑也臣當至南陽問 欲自南陽道丹析而入長安是時張濟又自長安出武 今能按求而通之則武昌漢陽野復襄陽深洋金商 初漢高入關其兵十萬夫能容十萬兵之路宜不 而險也但自維陽為都行者皆趙東關其路人而 而道南陽過點析而入武關曹操等起兵誅董卓亦 1.1.7 歐陽文粹 甚 南 行 其

遠輦運逾年不能畢至至於軍裝輸送多苦秋霖邊州 深恤有司之勤内賜禁錢數十萬以供西用而道路 近漢之民仰足而有餘以造舟車甚不難也前日陛 已寒冬服尚滯於路其艱如此夫使州縣 則十餘州之物日日入闡而不絕公漢之地山多美才 陽自南陽為輕車人輦而遞之募置遞兵為十五六鋪 入于武關與至京師遠近等者與其尤近者皆使直輸 轉冒艱滞然後得西宣若較南陽之旁郡度其道里 卷四 綱吏遠輸京

一 卸定四库全書

者賦外之在以備有事之用令盡取民之法用於無事 為術告者之民賦稅而已故其不足則鑄山煮海推酒 盡地利臣聞告之畫財利者易為工今之言財利者難 充用其迂曲簡直利害較然矣此陸運之利也其二曰 之時悉以冗費而糜之矣至卒然有事則無法可增然 自漢魏迄今其法日增其取益細今取民之法盡矣昔 與茶征關市而等舟車尚有可為之法以苟一時之用 于關西京師之用有不足則以禁帑出賜有司者代而 歐陽文粹

**丸巴马草心动** 

**多分口尼在書** 曹操屯兵許下強敵四面以今視之疑其旦夕戰爭而 能忍而待其弊至違詔罷兵而治屯田田於極邊以遊 地有遺利此可為也况歷視前世用兵者未當不先管 地之産物者耕不得代而不墾之土尚多是民有遺力 兵而防鈔寇則其理田不為易也猶勉為之後漢之時 趙充國攻西羌議者爭欲出擊而充國深思全勝之策 田漢武帝時兵興用乏趙過為畎田人犂之法以足用 獨猶有可為者民作而輸官者已勞而游手之人方逸

博 地歲得穀百萬石其後郡國皆田積穀無數隋唐田 悉言謹舉其近者自京已西土之不闢者不知其數 田莫如曹操然皆勉馬不以迁緩而不田者知地利 地 ションマニ ノニー 廣不可勝舉其勢製而難田莫若充國迫急而 其利 暇然用棗祇韓浩之計建置田官募民而田近許之 而可以爲民勞也今天下之土不耕者多矣臣未 1癣而棄也蓋人不勤農與夫役重而逃爾久廢之 數倍於營田今若督之使勤與免其役則願 歌陽文粹 不 制 非 暇

者衆矣臣聞鄉兵之不便於民議者方論之矣充兵之 官吏不加禁父兄不敢詰家家自以為患也河東河北 人遂棄農業託云教習聚而飲博取資其家不顧無有 關西之鄉兵此猶有用若京東西者平居不足以備盗 山澤之饒民惟力農是仰而今三夫之家一人五夫之 而水旱適足以為盗其尤可患者京西素貧之地非有 家三人為游手凡十八九州以少言之尚可四五萬人 不耕而食是自相糜耗而重困也今誠能盡驅之使耕

一到 定四庫全書

太宗皇帝時當貸陳蔡民錢使市牛而耕真宗皇帝 . . . . . . . . . . 也籍而為兵遂棄其業今幸其去農未久尚可復驅 亦用耿望之言買牛湖南而治屯田今湖南之牛歲賈 之習田者為田官優其課最而誘之則民願田者衆矣 棄地官贷其種嚴田之入與中分之如民之法募吏 田畝使不得羣遊而飲博以為父兄之患此民所 北者皆出京西若官為買之不難得也且鄉兵本農 夫之力以逸而言任耕鰻田一頃使四五萬人皆 致易文字 願

耕而久廢之田利又數倍則歲穀不可勝數矣京西之 者與利日繁兼并者趨利日巧至其甚也商賈坐而 在積穀惟陛下詔有司而移用之耳其三曰權商賈 聞秦廢王法啓東升其上侵公利下刻細民為國之 分北有大河南至漢而西接關若又通其水陸之運所 國 久矣自漢以來嘗欲為法而抑奪之然不能也蓋為國 下而共之 利其故非他由與利廣也夫與利廣則上難專必與 然後通流而不滞然為今議者方欲奪商之 患 權

**郵定匹庫全書** 

之法為便有司既已詳之矣今誠能復之使商贾有利 失數年莫補所在積朽棄而焚之前日議者屢言三 益損前日有司屢變其法法每一變則一歲之間所損 之利多者茶與鹽耳茶自變法已來商買不復一歲之 其虧少十不得三不若與商共之常得其五也今為國 未當變而不已其損愈多夫欲十分之利皆歸于公至 數百萬議者不知利不可專欲專而反損但云變法之 歸於公上而專之故奪商之謀益深則為國之利

久已日草心島

歐陽文粹

哉必有販夫小賣就而分之販夫小賣無利則不為故 者以能為國資錢幣爾今不散而積之是惜朽壤也夫 金月四万百十 商争先而凑矣夫茶者生於山而無窮鹽者出於水 大商不妬販夫之分其利者恃其货博雖取利少货行 何用哉夫大商之能蕃其貨者豈其銖銖躬自鬻於市 不竭賤而散之三年十未減其一二夫二物之所以贵 價誘羣商而散之先為令曰三年將復舊價則貪利之 而通行則上下濟矣解池之鹽積若山阜今宜暫下其 而

守以扞賊利則出而擾之凡小便宜願且委之邊將至 錢幣通可不勞而用足矣臣愚不足以知時事若夫堅 商之善為術者不惜其利而誘販夫大國之善為術者 也若乃縣官自為獨市之事此大商之不為臣謂行之 不惜其利而誘大商此與商賈共利取少而致多之 反妬大商之分其利寧使無用而積為朽壤何哉故大 流速則積少而為多也今為大國者有無窮不竭之貨 久者也誠能不較錙銖而思遠大則積朽之物散而

2 c. ) O reat 1. chilo

歐陽文粹

策也願陛下以其小者責將帥謀其大計而行之則天 習賊銳漸挫而有隙可乘然後一舉而滅之此萬全之 於積穀與錢通其漕運不二三歲而國力漸豐邊兵 金万四屋子書 下幸甚 歐陽文粹卷四 漸

欽定四庫全書 臣近準部書許臣上書言事臣學識愚淺不能廣引 からい のに ノネラ 遠以明治亂之原謹採當今急務條為三弊五事以 詔書所求伏惟陛下裁擇臣聞自古王者之治天下 有憂勤之心而不 歐陽文粹卷五 書 準詔言事 知 致治之要則心愈勞而事愈乖 歐陽文粹 宋 陳亮 編 應 雖 深

卸定 術也納 有 斷也知此二者天下無難治矣伏見國家自大兵一 為人君者以 來聖心憂勞可謂至矣然而兵日益老賊日 州之力討 達盟而動其將 四月全書 騷然陛下思社稷之安危念兵民之疲弊四五 諫之明 一言而 一西戎小者尚無一人敢前今又北敵大者 而無力行之果斷則言愈多而聽愈感故 細 務 可用雖 何以禦之從來所患者四裔今四裔 而責人專大事而獨 卷1 五.1 衆說不得以沮之此力行之 斷 此致 盆強併 治之 年 要

獻 用 所 矣所惡者盗賊令盗賊起矣所憂者水旱令水旱作矣 闕者不過曰無兵也無将也無財用也無禦我之策也 採衆議紛紜至於臨事誰策可用此臣所謂聽言雖 計之士不下數千然而事緒轉多枝梧不暇 之心日憂於一日天下之勢歲危於一歲此臣 如力行之果斷者也伏思聖心所甚憂而當今所 心雖勞不知求致治之要者也近年朝廷開發言 賴者民力今民力困矣所須者財用今財用乏矣陛 從前 所 所 路 多 調

無可任之臣也此五者陛下憂其未有而臣謂今皆有 將吏其數幾何惟善用之故不覺其少何况今日承百 定閱鎖西平兩蜀東下弁路北窺幽燕當時所用兵財 方割據中國地狹兵民不多然尚能南取荆楚收偽唐 之然陛下未得而用者未思其術也國家創業之初 臣敢曰有兵有将有財用有禦戎之策有可任之臣然 年祖宗之業盡有天下之富強人衆物盛十倍國初 陛下皆不得而用者其故何哉由朝廷有三大弊故 故 四

| 欽定四庫全書

太宗皆知用此三術而自執威權之柄故所求無不得 所欲皆如意漢武好用兵則誅滅四夷立功萬里以快 者帝王之竒術也自古人君英雄如漢武帝聰明如唐 虚出而賞罰不濫行是以慎號令明賞罰責功實此三 者天子之威也實罰者天子之權也若號令不信賞罰 實此三弊因循於上則萬事弛慢廢壞於下臣聞號令 不當則天下不服故又須責臣下以功實然後號令不 何謂三弊一曰不慎號令二曰不明賞罰三曰不責功

次足四車全書-

歐陽文粹

帝者可謂所求無不得所欲皆如意無他術也惟能 **執威權之柄耳伏惟陛下以聖明之姿超出二帝又盡** 服遼東威振夷狄以逞其志欲求将則有李靖李動之 有公孫董汉之徒以稱其意唐太宗好用兵則誅突厥 有漢唐之天下然而欲禦邊則常患無兵欲破賊則常 徒入其駕馭欲得賢士則有房杜之輩在其左右此 患無將欲贍軍則常患無財用欲威服四夷則常患無 其心欲求將則有衛霍之材以供其指使欲得賢士則 卷五 白

次三四車全部 二 夫言多變則不信令頻改則難從今出令之初不加 乎若一 臣之患旁無小人偏任之 臣所制或為小人所感則威權不得出於已令朝無強 策欲任使賢材則常患無人是所求皆不得所欲皆不 如意其故無他由不用威權之術也自古帝王或為強 無奈何為三弊之因獨而一事之不集臣請言三弊 下如父領耳延首顧陛下之所為然何所憚而不為 日赫然執威權以臨之則萬事皆辨何患五者 歐陽文粹 一獨內外臣庶尊陛下如天愛

謂 分グア 或聞而竊笑歎息者有慶天下之心竊笑者有輕朝 審行之未久尋又更張以不信之言行難從之令故 之意號令如此欲威天上其可得乎此不慎號令之 送 破指揮旦夕之間果然又變至於将吏更易道路疲於 有處置之事州縣知朝之未是一定之命則官吏或 用人之術不過賞罰熙賞及無功則恩不足勘罰失 迎符牒縱横上下莫能遵守中外臣庶或聞而數息 曰且未要行不久必須更改或曰備禮行下略與應 ノーコー 五 毎

蜀 有 則 將 故 とこの時だけ 貶 下者其賞罰之法皆如此也昨 點全斌與諸 罪則威無所懼雖有人不可用矣太祖時王全斌破 而 肯用命矣所 い 而尋選或不 歸 將誰肯立功矣裡將畏懦逗留者皆當斬罪或 無功罷者依舊居官軍中見無功者不 功 不 細矣犯法一貶十年不問是時方討江 Ų 将立法太祖 謂賞不足勸威無所懼賞罰 貶而依舊軍中見有罪者不誅則諸 歐陽文粹 神武英斷所以能平定天 闢西用兵四五年矣大 妨得好 如 五 此 而 暫 官 南 將

之事不少然多有名而無實臣請略言其一二則其 用人其可得乎此不明賞罰之弊也自兵動以來處置 得兵之實數也新集之兵所在教習追呼上下民不安 弱病患短小怯懦者不可勝數是有點兵之虚名而 可知數年以來點兵不絕諸路之民半為兵矣其間老 居主教者非將領之材所教者無旗鼓之節往来州 愁嘆嗷嗷既多是老病小怯之人又無訓齊精練之 此 有教兵之虚名而無訓兵之實藝也諸路州軍分造 他 法 縣 無

到厅四届全書

**匙** 

ここうし 事 器械工作之際已勞民力輦運般送又苦道塗然而 怯之兵執鈍折不堪之器械百戰百敗理在不疑臨 弊也臣故曰三弊因循於上則萬事弛慢廢壞於下 有器械之虚名而無器械之實用也以草草之法教老 刃 而悟何可及乎故事無大小悉皆鹵莽則不責功實之 數而速了不計所用之不堪經歷官司又無檢責此 不剛筋膠不固長短大小多不中度造作之所但 不可盡言臣請言大者五事其一曰兵臣聞攻人 歐易文粹 務

| 郵定匹庫全書 是多者敗而少者勝也符堅以百萬之兵遇東晉二三 萬人而敗是多者敗而少者勝也曹操以三十萬青州 謀不以力用兵鬬智不鬬多前代用兵之人多者常敗 萬是用兵多則敗少則勝之明驗也况於四裔尤難 兵大敗於吕布退而歸許復以二萬人 少者常勝漢王尋等以百萬之兵遇光武九千人而 力爭只可以計取李靖破突厥於定襄只用三千人 後破頡利於陰山亦不過一萬蓋兵不在多能以計 , 破表紹十四五 其

奮威物勵諸將精加訓練去其老弱七八十萬中可得 軍無統制分散支離分多為寡兵法所忌此所謂不善 五十萬數古人用兵以一當百今既未能但得以 用兵者雖多而愈少故常戰而常敗也臣願陛下赫 不當一人是七八十萬之兵不當七八萬人之用加以 今計者添兵則耗國減兵則破賊今公邊之兵不下七 爾故善用兵者以少為多不善用者雖多而愈少也為 十萬可謂多矣然訓練不精又有老弱虚數則十 歐陽文粹 凿 然

欠己日事人

と

或出於奴僕或出於軍卒或出於盗賊惟能不次而用 金写也是有量 韶近臣舉将而限以資品則英豪之士在下位者不可 之乃為名將耳國家求將之意雖勞選将之路太狹今 實效但務添多耗國耗民積以年歲賊雖不至天下已 得矣試將材者限以弓馬一夫之勇則智略萬人之敵 者以少而為多古人所以少而常勝者以此也今不思 困矣此一事也其二回將臣又聞古語曰将相無種故 十則五十萬精兵可當五百萬兵之用此所謂善用兵

Let 1. O Let 2. th. (a) 不必試以弓馬有山林之傑不可薄其貧賤惟陛下 弊奮然精求有賢豪之士不須限以下位有智略之人 壁庸懦暗劣之徒皆授之兵柄天下三尺童子皆為 廷危之前日澶淵之卒幾為國家生事此可見也議 皆 遗之矣山林 等傑之士召而至者以其貧賤而薄 不過與一 傑皆激怒而失之矣至於無人可用則寧用龍 知取将之無術但云當今之無將臣願陛下革去舊 一主簿借職使其快快而去則古之屠釣飯牛 歐陽文粹 鍾 者 跛

時 七八十萬連四五年而不罷所以罄天地之所生竭 起於用兵而費大故也漢武好窮兵用盡累世之財當 肵 救弊者必尋其起弊之源今天下財用困乏其弊安在 也其三曰財用臣又聞善治病者必醫其受病之處 出矣惟有減冗卒之虚費練精兵而速戰功成兵罷 非常之禮待人人臣亦將以非常之效報國此二事 勒兵單于臺不過十八萬尚能困國力况未若今 之膏血而用不足也今雖有智者物不能增而計

萬

日

多方四屋全書

**赴**↓

善

也 **欽定四庫全書** 謂 但能痛敗昊賊 貪心伺隙而動爾今若物 狂 交 自 北敵與朝廷通好僅四十年不敢妄動今一旦發 便無將敢奮其勇後時敗事徒耗國而耗民此三事 然足矣今兵有可減之理無人敢當其事賊有速擊 謀者其意何在蓋見中國頻為元昊所敗故敢於 其四曰禦戎之策臣又聞兵法曰上兵伐謀其次伐 上兵代謀者也今 一陣則吾軍威大振而敵計沮矣此 詗事者皆知北敵與西賊通謀 歐陽文粹 勵諸將選兵秣馬疾入西 所 其 其

併 狹賊兵不多向來攻我傳聞北敵常有助兵令若敵 則敵勢減半不能獨舉此兵法所謂伐交者也元昊 我能先期大舉則元昊倉皇自救 自 分兵助昊則可牵其南寇之力若不助昊則二國有 自有點集之謀而元昊縣然被擊必求 為表裏是破其素定之約乖其剋日之期此兵法所 二國之力窺我河北陝西今若我能先擊敗其一 相疑或此亦伐交之策也假令二國 老 不暇豈能 剋 助於北敵 期分路來寇 與北敵 16 隙 敵 地 國 中

大正日祖 Armin 吾憂河北而不虞我能西征出其不意此可攻之勢也 其出師况今元昊有可攻之勢此不可失之時彼方幸 河 常有輕視諸将之心今又見朝廷北憂戎虜方經營於 自四路分即今巴半年訓練恩信兵已可用故近日屢 之時此兵法所謂出其不意者此取勝之上策也前年 親而離之者亦伐交之策也元昊叛逆以來幸而屢勝 西將有請出攻者當時賊氣方盛我兵未練朝廷尚許 朔必謂我師不能西出今乘其騙怠正是疾驅急擊

歐陽文粹

豈無材智之臣而陛下總治萬幾之大既不暇盡識 熟議而行之此四事也其五曰可任之臣臣又聞仲尼 時而使二敵先來則吾無策矣臣願陛下詔執事之臣 除 人故不能躬自進賢而退不肖執政大臣動拘舊例又 曰十室之邑必有忠信况今文武列職徧於天下其間 敢進賢而退不自審官吏部三班之職但掌文簿差 小捷是我師漸振賊氣漸如此可攻之勢也首失此 而已又不敢越次進賢而退不旨是上自天子下 其

鱼牙口匠有書

之人好徇私者各舉請求之人性庸暗者各舉不材之 類聚故守廉慎者各舉清幹之人有贓污者各舉貪濁 責為退不肖此不知其弊之深也大凡善惡之人各以 如今日之緣也今議者或謂舉主轉官為進賢犯罪 不行一旦臨事要人常患之人使用自古任官之法 相容三載一遷更無旌别平居無事惟患太多而差遣 有司無一人得進賢而退不肖者所以賢愚混雜僥倖 朝廷不問是非但見舉主數足便與改官則清幹 黜

久正日軍 公村

歐陽文粹

+

金万口尼台書 能舞弄文法而求財賄者亦强點之吏政事必由已 淆 言則贓吏與不材之人為害等耳今贓吏因自敗者乃 事界骨厚吏共為姦欺則民無貧富一時受弊以此 故雖誅剥豪民尚或不及貧弱至於不材之人不能 糾舉之術哉惟犯贓之人因民論訴者乃能點之耳夫 進矣貧濁者亦進矣請求者亦進矣不材者亦進矣混 加點責十不去其一二至於不材之人上下共知而 如此便可為進賢之法乎方令點責官吏豈有澄 太五 出 主 而

賞罰責功實則材皆列於陛下之前矣臣故曰五者 矣非是陛下遲疑寬緩之時惟願為社稷生民留意 於上地理逆於下人心怨於内四夷攻於外事勢如此 言之矣惟陛下擇之天下之務不過此也方今天文變 有然陛下不得而用者為有弊也三弊五事臣既已 問寬緩容姦其弊如此便可為退不肖之法乎賢不肖 無別則宜乎設官雖多而無人可用也臣願陛下 皆 詳 明

九三司司 二十

歐陽文粹

					1	
融						
歐陽文粹卷五				 		
130		[				
此		ŀ				
称						
本						
五						
		! 				
		1				
1						
1			'			

臣聞士不忘身不為忠言不逆耳不為諫故臣不避羣 欽定四庫全書 欠已日東心的 臣伏見杜行韓琦范仲淹富弱等皆是陛下素所委任 之臣一旦相繼而罷天下之士皆素知其可用之賢而 切齒之禍敢冒一人難犯之顏惟賴理慈幸加省察 歐陽文粹卷六 書 辨杜韓范富 Ų 歐陽文粹 陳亮 縞

金月里月月日 善人而衆善人尚在則未為小人之利欲盡去之則善 古小人說害忠賢其識不遠欲廣陷良善則不過指為 不聞其可罷之罪臣職雖在外事不審知然臣竊見自 惟有專權是人主之所惡故須此說方可傾之臣料杜 至如大臣已被知遇而蒙信任者則不可以他事動摇 明黨欲搖動大臣則必須誣以專權其故何也夫去一 行等四人各無大過而一時盡逐富弼與仲淹委任 人少過難為一二求瑕惟指以為朋黨則可一時盡逐

ラステ 此數人並在兩府察其臨事可以辨也盖杜行為人清 歸於盡也而其所見各異故於議事多不相從至如杜 慎而謹守規矩仲淹則恢廓自信而不疑韓琦則純正 相稱慕當時姦臣誣作朋黨猶難辨明自近日陛下报 言之告年仲淹初以忠言議論聞於中外天下賢士爭 深而忽遭離間必有朋黨再權之說上惡聖聰臣請詳 行欲深罪膝宗諒仲淹力爭而寬之仲淹謂契丹必攻 而質直富弼則明敏而果銳四人為性既各不同雖皆 飲易之年

**慰**好四庫全書 臣見杜行等真得漢史所謂忠臣有不和之節而小人 非劉滬仲淹則是劉滬而非尹洙此數事尤彰著陛下 尹洙亦號仲淹之黨及爭水洛城事韓琦則是尹洙而 說為朋黨可為証矣臣間有國之權誠非臣下之得專 稱美之不服為國議事則公言廷爭而無私以此而言 素已知者此四人者可謂公正之賢也平日問居則相 河東請急修邊備富弼料九事力言契丹必不來至如 也臣切思仲淹等自人两府已來不見其專權之迹而

次足口氧化等 一 避讓不敢下筆弱等亦不敢獨有所述因此又煩聖慈 作事乃開天章召而賜坐授以紙筆使其係事然衆人 人所共知臣但見避讓太繁不見其專權貪位也及陛 **貪名位自陛下召琦與仲淹於陝西琦等讓至五六陛** 但見其善避權也夫權得名位則可行故行權之臣必 下堅不許解方敢受命然猶未敢別有所為陛下見其 下亦五六召之至如富弼三命學士兩命極密副使每 命未當不態讓者愈切而陛下用之愈堅故天下之 歐陽文粹

而猶遲緩自疑作事不果然小人巧踏而曰專權者官 遇事而行更無推避弱等蒙陛下堅意委任督責丁寧 祖宗故事請陛下擇而行之自古君臣相得一言道合 不誣哉至如兩路宣撫國朝累遣大臣况自中國之 猛更張故其所陳志在遠大而多若迂緩但欲漸而行 近及一月方敢略係數事仲淹老練世事必知几百難 出手 以久與皆有效弱性雖飢然亦不敢自出意見但舉 詔指定姓名專責其條列大事而行之獨等建回

金少口尼人三世

**歌遠盟而動其書辭侮慢至有責祖宗之言陛下慎耻** たこうう こかう 聖臣下能否洞達不遺故于十官百辟之中親選得此 未見其侵權而作過也伏惟陛下春哲聰明有知人之 等見中國累年侵陵之患感陛下不次進用之恩故各 自請行力思雪耻公山傍海不憚勤勞欲使武備再修 近年不振故元昊叛逆一方而勞困及於天下北敵乘 國威復振臣見弼等用心本欲尊陛下威權以禦四夷 深但以邊防無備未可與争屈志買和莫大之辱弱 歐陽文粹

包页四月全書 拒絕羣誇委信不疑使盡其所為猶有稱補方令西北 去之際思禮各優今仲淹四路之任亦不輕矣願陛下 臣所以為陛下惜也伏惟陛下聖徳仁慈保全忠善退 思祭寵至深未知報効之所羣邪爭進讒巧而正士 自前歲召入諫院十月之內七受里思而致身两制常 數人一旦罷去而使草邪相賀于內四夷相賀于外比 二屬交爭未已正是天與陛下經營之時而弼與琦豈 可置之閉處伏望早辨說巧特加圖任則不勝幸甚臣

替惟陛下擇之 去朝廷乃臣忘身報國之時豈可緘言而避罪敢竭愚

一政府

朝廷論議中外多事天子急於聽納之時不以為愚妄 脩不佞少以文章言語自任而項忝備諫詳之臣得與 加獎雅及得龍太過受恩太深則自視區區素所任者

不足以稱萬一故方欲勉强以伸報劾而蒙相公不以

欠已日長亡馬 為不才而擇天下諸路中最重之地以授之而責其報

歐陽文作

險易城塞屯防邊應守備等事皆河朔之大者朝廷已 金万口匠人門 歲龌龊自守未知所為非敢怠也誠有說馬至于山川 効當此之時自宜如何可以塞責及臨職以來近將半 委樞密富公經畫之矣而本司之事自不為少凡自河 千七百户官吏在職者一千二百餘負廂禁軍馬義勇 五萬而非常之用不與馬其間事目之節利害之源非 民兵四十七萬七千人騎歲支糧錢帛二千四百四十 北州府軍縣一百八十有七城主客之民七十萬五

今半歲矣官更之能否公私之弊病粗以得其十七八 家之利知無不為其與利除害便於事者極多而時有 然事擊利害有司不敢自决而必上聞者其類甚多初 而又先求其事沙奇碎紛繁而下切患之有司自可改 失於不審更改過繁而失於許碎者故自繼職以來夢 詳求而審察之不能得其要前張显之等急於舉職公 復不煩朝廷處分者先已次第行之矣乃暇及於其他 其所長戒其所短凡所關利害者慎之重之未敢輕議 へっ うん ハー 致傷之年

一苟有所請實有望于見信而從之也凡河北之事其大 之等前失不能信其說而從之今慎之久矣得之詳矣 則未敢以煩朝聽者不惟自疑於不審誠應朝廷鑒品 能行不主張之則亦不能為也自古邦國財産之利心 者朝廷已委富公矣其外大要不過五六其不可為者 海之利必歸公上今天下諸路山澤悉以推之無遺利 出山澤故傳曰山海天地之藏也自兩漢以來摘山煮 一其可為者四五爾雖皆有司之事然朝廷主張之則

一包 立 正 库全書

安肅 久伏于下而光氣苗礦往往溢發而出地官禁之不許 乞與疲民此國家恩德在民已深而不可奪者也西山 萬山此財利之産天地之藏而主計之利皆不得取馬 矣獨河北一方兵民所聚最為重地而東負大海西有 取拾此惟有平地爾河北之地四方不及而公邊廣信 祖宗時衰関河北之民歲為敵國所困盡以海鹽之利 長數百里其産金銀銅鐵丹砂之類無所不有至實 順安雄霸之間盡為塘民不得耕者十八九澶衛

大三日三十二十

歐陽之於

金云口周台書 者又有限而不取其助者不過酒稅之入兩其人有數 德博通利濱棣大名之界東與南歲歲 河災民不得耕 能為之及其用有不足則不過上干朝廷乞銀鍋而 洛大名之界西與北鹹鹵大小鹽池民不得耕者十三 者十五六今年大豐秋我尚放一百萬石滄瀛深與那 不可勝數大山大海之利既不可取而平地堪出財賦 四又有泊淀不毛監馬棚收與夫貧之之逃而荒棄者 用度無常也故雖研桑羊之心計拾山澤與平地不

こうし 其為而卒無成馬則不待朝廷之責而自當劾去若幸 備因貴賤通漕轉而移有無如此之類茍能為之尚足 更以辨職事裁僥倖以減浮費謹量材精器械以助武 雨 敢具其大綱列于别紙伏望特加省覽察其利害或其 殃渡民號為變轉爾此所謂不可為者也然若能擇官 所說不至大乖戾望少信而從之以畢其所為若夫盡 有以稱萬一則何幸如之伏惟聰明少賜裁擇 神萬一而皆補弊病理須更改事目委曲非書可彈 歐易文件

**赵庆四庫全書** 逾其境雖賢守長不得行以其有守也吏部之官不得 失一時之公議繫馬令世之官自九卿百執事外至一 前月中得進奏吏報云自陳州召至關拜司諫即欲為 理兵部鴻臚之卿不得理光禄以其有司也若天下之 郡縣吏非無貴官大職可以行其道也然縣越其封郡 之不為喜而獨區區欲一賀者誠以諫官者天下之得 一書以賀多事忽卒未能也司諫七品官爾於執事得 上范司諫

文已四年心島 於時不得為宰相必為諫官諫官雖甲與宰相等天子 者獨宰相可行之諫官可言之爾故士學古懷道者仕 者該官也宰相尊行其道諫官甲行其言言行道亦行 日必行該官日必不可行立殿陛之前與天子争是非 也九卿百司郡縣之吏守一職者任一職之青宰相諫 上與天子相可否者宰相也天子曰是諫官曰非天子 日不可宰相日可天子曰然宰相曰不然坐乎廟堂之 失得生民之利害社稷之大計惟所見聞而不繁職司 歐陽文作

者受責於有司諫官之失職也取識于君子有司之法 官擊天下之事亦任天下之責然宰相九御而下失職 金月口月月三 御史必為諫官及命下果然則又相與語曰我識范君 不重耶非材且賢者不能為也近執事始被召于陳州 行乎一時君子之識著之簡冊而昭明垂之百世而不 知其賢也他日間有立天子陛下直辭正色面争廷論 泯甚可懼也夫七品之官任天下之責懼百世之**談**宣 洛之士大夫相與語曰我識范君知其材也其來不為

城為諫議大夫已五年後又二年始庭論陸勢及沮裴 たこうる こらう 授受失宜叛將强臣羅列天下又多猜忌進任小人 退之不識其意而妄識偷獨以為不然當退之作論時 城不能極諫卒以諫顯人皆謂城之不諫盖有待而然 者非他人心范君也拜命以來翹首企足好乎有聞而 延龄作相欲裂其麻鏡兩事爾當德宗時可謂多事矣 後耶將執事有待而為也昔韓退之作争臣論以識陽 卒未也竊惑之豈洛之士大夫能科於前而不能料於 歐陽史牌

此之時豈無一事可言而須七年那當時之事豈無急 者豈不欲聞正議而樂讀言乎然令未聞有所言說使 庶政化理清明雖為無事然自千里詔執事而拜是官 半歲而遷也此又非更可以待乎七年也今天子躬親 何所取哉今之居官者率三歲而一遷或一二歲甚者 責向使止五年六年而遂遷司業是終無一言而去 也 而城為諫官七年適遇延齡陸贄事一諫而罷以塞其 於沮延齡論陸勢兩事也謂宜朝拜官而少奏疏也幸

金月四月全書

欠已日日によう 其年十七時家隨州見天聖二年進士及第榜始識足 以見用之意懼君子百世之識一陳昌言以塞重望且 章帶之士窮居草茅坐誦書史常恨不見用及用也又 解洛之士大夫之惡則幸甚幸甚 有待是終無一人言也可不惜哉伏惟執事思天子所 日彼非我職不敢言或日我位猶軍不得言矣又曰我 天下知朝廷有正士而彰吾君有納諫之明也夫布衣 與高司諫 歐陽文料

子猶疑之夫正直者不可屈曲有學問者以能辨是非 魯問足下之賢否而師魯就足下正直有學問君子人也 得人 以不可屈曲之節有能辨是非之明又為言事之官而 御史裏行然猶未服一識足下之面但時時於予友尹師 不知何如人也其後更十一年子再至京師足下已為 人兄弟與葉道卿鄭天休數人者以文學大有名號稱 下姓名是時子年少未與人接又居遠方但聞今宋合 一九足下剛其間獨無卓卓可道說者于固疑足下

金月世月全書

ここりこう しいう 於安道家足下訟前布文為人子始聞之疑是戲言及 決知足下非君子也前日范希文貶官後與足下相見 識几十有四年而三疑之令者推其實迹而較之然後 之雖予亦疑足下真君子也是子自聞足下之名及相 也自足下為諫官來始得相識仍然正色論前世事歷 歷可聽褒貶是非無一謬說隱持比辨以示人孰不爱 俯仰黙點無異衆人是果賢者耶此不得使予之不疑 一師會亦說足下深非希文所為然後其疑遂决希 改易と年

飲定四库全書 責以必能也今乃不然反品然自得了無處畏便毀其 剛果懦軟禀之於天不可勉强雖聖人亦不以不能責 者之責已遂隨而武之以為當點是可怪也夫人之性 禄不敢一件宰相以近刑禍此乃庸人之常情不過作 又以觸宰相得罪足下既不能為辨其非辜又畏有識 不才諫官爾雖朝廷君子亦将関足下之不能而不 之必能今足下家有老母身惜官位懼飢寒而顧利 生刚正好學通古令其立朝有本末天下所共知今

者之不建以智文其過此君子之賊也且希文果不對 夫使天子待不賢以為賢是聰明有所未盡足下身為 日備顧問今班行中無與此者是天子縣用不賢之人 賢反點點一語待其自敗然後隨而非之若果賢耶 賢以為當熙庶乎飾已不言之過夫力所不敢為乃思 改七四事全書 殿門之外 司諫乃耳目之官當其縣用時何不一為天子辨其不 耶自三四年來從大理寺及至前行員外郎作待制日 則今日天子與宰相以忤意逐賢人足下不得不言是

自り 章為不賢而被罪也令足下視石顯王鳳果忠邪望之 必不肯明言殺賢者也必以石顯王鳳為忠臣望之與 抵罪在黙默爾苦漢殺蕭望之與王章計其當時之議 則足下以希文為賢亦不免責以為不賢亦不免責大 諫亦以日當誅而不足諫也令足下視之果當誅 與章果不賢耶當時亦有諫臣必不肯自言畏禍而不 直可欺當府之人而不可欺後世也今足下又欲 而不懼後世之不可欺耶况令之人未可欺也伏以 ייי ノンシア 耶

たこりに ling 惟諫臣爾若足下又遂不言是天下無得言者也足下 幸生此時遇納諫之聖主如此猶不敢一言何也前日 雖沒猶被我稱今希文與孔道輔皆自諫節雅用足下 今皇帝即位已來進用賢臣容納言論如曹修古劉越 入朝中稱諫官是足下不復知人間有羞耻事爾所可 在其位而不言便當去之無妨他人之堪其任者也昨 日安道貶官師魯侍罪足下猶能以面目見士大夫出 又聞御史臺勝朝堂戒百官不得越職言事是可言者 歐陽文料 古

也若猶以為希文不賢而當逐則子今所言如此乃是 猶望足下之能一言者不忍便絕足下而以不賢者責 惜者聖朝有事諫官不言而使他人言之書在史冊他 金万四月全書 盡所懷故鄭布區區伏惟幸察 足下在安道家召子往論希文之事時坐有他容不能 使天下皆釋然知希文之當逐亦諫臣之一效也前日 朋邪之人兩願足下直携此書于朝使正予罪而誅之 日為朝廷羞者足下也春秋之法責賢者備令某區區

-	-				
火色の風人上					
歐陽之粹					
十五		·			
		 -1	 	 	

歐陽文粹卷六				金为四月在言
				卷六

とこうう 脩前伏見舉 南京留守推官石介為主簿近者聞介以 欽定四庫全書 書論赦被罷而臺中因舉他更代介者主簿於臺職 歐陽 書 舉動也介為 ここ 脱士也用不用當否未足害政然可惜者中 杜中丞 刚果有氣節力學喜辯是非 歐陽文粹 陳亮 編

官然大抵居臺中者处以正直剛明不畏避為稱職令 也若隨以為非是大不可也且主簿於臺中非言事之 者皆云介之所論謂朱梁劉漢不當求其後裔爾若 罷皆謂赦乃天子已行之令非缺賤當有說以此罪介 義之士也始執事舉其材議者咸曰知人之明今聞其 日當罷修獨以為不然然不知介果指何事而言也傳 介足未履臺門之閩而已因言事見罷真可謂正直剛 事則介不為過也然又不知執事以介為是為非

**创好四库全書** 

明不畏避矣度介之才不止為主簿直可任御史也是 執事有知人之明而介不負執事之知矣脩嘗聞長老 くこうら たた 以進太祖大悟終用二臣彼之敢爾者盖先審知其人 **挿笏帶問徐拾碎紙袖歸中書它日又問則補綴之復** 又問復以進太祖大怒裂其奏擲殿陛上中令色不動 姓名以進太祖不肯用它日又問復以進又不用它日 說趙中令相太祖皇帝也當為某事擇官中令列二臣 之可用然後果而不可易也令執事之舉介也亦先審 歐陽之幹

上而言是也當助以辯若其言非也猶宜曰所舉者為 舉之猶宜一請介之所言辯其是非而後已若介雖近 馬可也且中丞為天子司直之臣上雖好之其人不肖 チロ 主簿爾非言事也待為主簿不任職則可罷請以此辭 紅舉一信於臺臣而執事始舉介日能朝廷信而將用 隨時好惡而萬下者也令備位之臣百十都者正者其 則當彈而去之上雖惡之其人賢則當舉而中之非謂 其可舉那是偶舉之邪若知而舉則不可遽止若偶

銀近四月全書

伏惟執事如欲舉愚者則且敢復云若將舉賢也願無 則 言它事何敢望天子之取信於執事哉故曰主簿雖早 易介而它取也今世之官無御史者例不與臺事故敢 必亦擇賢而舉也夫賢者固好辯若舉而入臺又有言 こうここ 之及以為不能則亦曰不能是執事自信猶不果若遂 雖賤士其可惜者中及之舉動也况今斥介而他舉 又斤而它舉乎如此則必得愚聞懦點者而後止也 狂言竊獻門下伏惟幸察馬 歐易文節

蒙大君子休德之幸以為離去眷戀之解既有次第臨 **飲定四庫全書** 過以為謝因又妄思一言之獻以畢曩時區區之心以 區之心者有日矣昨以初去府縣因奏記陳已疎賤得 所遣使二十一日至許州獲賜書一通伏讀問復且慙 治以來施政之善者顧察吏宜有助而閣懦獨無能之 下一言之獻思有所陳而恨愚無識不足自致徒抱區 悸脩幸得備下吏承寵光日趙走于前切慕古人堂 答王相公

大三日里人生 之所載也凡其前所陳者亦不過如是而已其意謂乘 後休息而簡安之以復其常此善為政者之析而禮典 為賜也厚矣然伏讀求釋似有未察其誠者敢一終其 伏蒙相公不即棄絕猶辱以書條陳曉諭以為龍答其 動其言狂惑猶即著龜之神而再三贖宜其拒以不應 節國用振民窮姦盗生爭訟多而其政繁年豐民樂然 說以逃責馬其聞古之為政者必視年之豐山年山則 為忠惡又朝替德美願廣功業益休問以為禱其誠雖 歐陽文粹

官不敢慢其事而思其他伏惟相公所賜之書有居官 豈有直以鎮俗救民愁無為置軍食之說邪伏惟詳而 出而民有食關西之運既重至而軍不乏不旱不蝗下 察之背者孔子常為委吏必曰稱其職而已盖的守其 民樂利天子不憂慮能如是然後務大體簡細事而已 凶年之後災於消息風雨既時耕種既得常平之栗既 不出位之言有以見君子用心也然甚之所陳非謂略 邦之小而不為須四海之廣而後施以奪職而越思

金分四月 全書

與之辯其士之贱者敢有干而云者於斯三者有其二 善原其心之所來宜容而納在者之言既在矣宜不足 狂士也然直士之言雖逆意宜思而擇報德之言雖未 者此直士也紫德思報不計善否務罄其誠而言者此 三馬不量輕重之勢不度貴賤之位必争以理而後止 止既禱且勸之辭也院士之至賤敢以言干其上者有 也盖願乎進德廣業思以致君而及天下不以一 知義之士也其言華繆不合道理問不及而自借者此 而

一欽定四庫全書 告以訓曰往字吾民而無重前悔故其受命也始懼而 馬伏惟相公擇之納之不足與之辨而絕之惟所賜馬 齊逃來傳者口佞人來矣倭人來矣此不欲传人入其 又撫安之曰無重前悔是以自幸也昔春秋時鄭詹自 後喜自謂曰幸而謂夷陵之不幸也夫有罪而猶得邑 修之得夷陵也天子以有罪而不忍即誅與之一邑而 邦而惡其來甚之之解也修之是行也意謂夷陵之官 回丁判官

來矣凡夷陵之人莫不惡之而不欲入其邦若魯國之 忽發馬果賴得罪是其學不本實而其中空虚無有而 之心馬夫人有厚己而自如者恃其中有所以當之而 惡鄭詹來者故曰夷陵不幸也及舟次江陵之建寧縣 相與語於府吏相與語於家民相與語於道皆曰罪人 又加以厚禮出其意料之外不勝甚喜而且有不自遂 人來自夷陵首紫示書一通言文意勤不徒不惡之而 不愧也如修之愚少無師傳而學出已見未一發其蘊

文王四事七島 歐陽文作

然也今猶未獲一見君子而先辱以書待之厚意以空 虎而後蒸黎動不逢偶吉而斬奇凶其狀可為関笑所 且為政者之懲有罪也若不鞭膚刑肉以痛切其身則 虚之質當甚厚之意竊懼既見而不若所待徒重姚爾 之仁也故修之得罪也與之一邑便載其老母寡妹浮 必擇惡地而斥之使其奔走颠躓窘苦左山右壑前虺 五千五百里之江湖冒大熱而履深險一有風波之危 深因辱之者欲其知自悔而改為善也此亦為政者

金りせんと言

會則坐之壁下使與州校役人為等伍得一食未徹姐 而先走出上官遇之喜怒詞話客斂手慄股以何顏色 事上官吏人連呼姓名唱出使拜起則趨而走設有大 12 17 50 Like 得其所為以無重悔如前訓可謂幸矣然懼其頑心而 自悔咎而改為善也故修之來也惟困辱之是期令乃 則叫號神明以乞須史之命幸至其所則折身下首以 與一語之温和不可得所以国辱之如此者亦欲其能 不然獨紫加以厚禮而不以有罪因辱之使不窮厄而 歐陽文粹

銀定匹庫全書 義君子之閔矣則又懼且輕馬謹因弓手還敢布所懷 不知自改也夫士窮莫不欲人之関已然非有深仁厚 必有友學必有師其鄉必有先生長者府縣必有賢守 前日辱以詩賦雜文啟事為暫披讀三四不能轉休足 不勝區區伏惟幸察 而試於有司矣誠可謂彼那之秀者數然士之居也遊 下家籍河中為鄉進士精學勵行當已選於里升於府 與張秀才一 V なし

**賈者坐馬持寶而欲價者之馬齊金而求寶者亦之馬** 之來也其志豈近而求豈小耶得非磨光濯色計之熟 數百里犯風霜干大國望官府下首於問語者以道姓 長佐吏彼能為足下稱才而述美者宜不少矣令乃越 卜之吉而後勇決以來 耶今市之門旦而啟商者越馬 謂夫大國多賢士君子可以當揚而光遠之那則足下 名超走拜伏於人之階無問何其勤勞乎豈由心負其 所有而思以發之邪將顧視其鄉之來陋不足自廣而

とこうほとは

歐陽文粹

攘臂以遊者也今足下之來試其價既就於可以輕重 銀定四月全書 能塞所求以報厚意姑道此以為謝 所得而不知有以為價也故辱賜以來且輕且喜既不 者兵而反以及予夫以無資者當求價之責雖知貪於 位學行無動人也是非可否不足取信也其亦無資而 而欲價者有矣坐而為之輕重者有矣予居其間其官 間民無資攘臂以避者亦之馬洛陽天下之大市也來 再張秀オニ

古知古明道而後履之以身施之於事而又見於文章 意豈非関世病俗究古明道欲振令以復之古而剪剥 大節賦樂古太古曲等篇言尤高而志極大尋足下之 鮮事實此少過也君子之於學也務為道為道以求知 齊整几令之紛殺駁冗者敷然後益知足下之好學甚 前日去後復取前所肌古令雜文十數篇反復讀之若 有志者也然而述三皇太古之道拾近取遠務高言而 而發之以信後世其道周公孔子孟子之徒常履而行 火りしな

金定四庫全書 蒙虚無為道洪荒廣略為古其道,難法其言難行孔子 道易知而可法其言易明而可行及誕者言之乃以混 之者是也其文章則六經所載至今而取信者是也其 秋信道不信邪謂隐未能蹈道齊侯遷衛書城楚丘與 非道也春秋之為書也以成隱讓而不正之傳者曰春 其仁不與其專封傳者曰仁不勝道凡此所謂道者乃 之言道曰道不遠人中庸則曰率性之謂道又曰可離 聖人之道也此履之於自施之于事而可得者也豈如;

大いりきしいう 聖且勤而弗道其前者豈不能耶盖以其漸遠而難彰 周之世去走舜遠孰與令去走舜遠也孔子刑書斷自 此君子之所學也夫所謂拾近而取遠云者孔子曰生 · 走典而明道其前其所謂學則曰祖述走舜如孔子之 事乃君臣上下禮樂刑法之事又是如該者之言者耶 匪說攸聞仲尼曰吾好古敏以求之者凡此謂古者其 誕者之言者耶克禹之書皆曰若稽古傳說曰事不師古 不可以信後世也今生於孔子之絕後而反欲求克舜 歐陽文粹

然則書之言豈不髙耶然其事不過於親九族平百姓 知道然其言不過于教人樹桑麻畜雞豚以為養生送 律度謹權衙使臣下誅放四罪而已孔子之後惟孟子最 憂水患問臣下誰可任以女妻舜及祀山川見諸侯齊 夫二典建之炳然使後世尊崇仰望不可及其嚴若天 金分四周全書 王首仲尼之數曰荡蕩乎謂高深閣大而不可名也及 之已前世所謂務高言而鮮事實者也唐虞之道為百 死為王道之本夫二典之丈豈不為文孟子之言道豈

以及乎中則無乎至矣凡僕之所論者皆陳言淺語如 不變也令以為不足為而務高遠之為勝以廣誕者無 足下之多間博學不宜為足下道之也然其之所以云 用之說是非學者之所盡心也宜少下其高而近其遠 勉而至無過不及而一本乎天中故能亘萬世可行而 而已令學者不探本之乃樂誕者之言思混沌於古初 以無形為至道者無有萬下遠近使賢者能之愚者可 不為道而其事乃世人之甚易知而近者盖切於事實 飲易し小

孟荀揚韓復生不能奪吾言其可謂自信不疑者矣而 髙那幸足下少思馬 者本欲損足下髙遠而俯就之則安敢務為奇言以自 金定匹庫全書 返以質於偷使偷有過於夫子者乃可為吾子辯況偷 所待於人有質於人者自疑者也今吾子自謂夫子與 未及孟荀揚韓之一二也脩非知道者好學而未至者 人至辱書及性詮三篇曰以質其果是夫自信篤者無 答李詢

哉固樂為吾子辨也尚尚有所疑敢不盡其所學以告 於人盖求益于人者也况如吾子之文章論議豈易得 前辱示書及性詮三篇見吾子好學善辯而文能盡其 還索書未知所為惭惕慚惕 展幾終身而有成 固常樂與學者論議往來非敢以益 既吾子之自信如是雖夫子不能奪使脩何所說馬人 也世無師久矣尚賴朋友切磋之益茍不自滿而中止 荅李詢二

たこうらい

歐陽文粹

<u>+</u>

卒其就修患世之學者多言性故常為說曰夫性非學 言者動静得失吉山之常理也春秋二百四十二年不 者老舜三代之治亂也禮樂之書雖不完而雜出於諸 其言者政教與良之美刺也書五十九篇不言性其言 言性其言者善惡是非之實錄也詩三百五篇不言性 者之所急而聖人之所罕言也易六十四卦不言性其 意之詳令世之言性者多矣有所不及也故思與吾子 金岩口眉在電 儒之記然其大要治國修身之法也六經之所載皆人 卷七

言也書曰習與性成語曰性相近習相遠者戒人慎所 於性者一言而己予故曰非學者之所急而聖人之罕 忠問仁義問禮樂問修身問為政問朋友問鬼神者有 矣未當有問性者孔子之告其弟子者凡數千言其及 性而言也論語所載七十二子之問於孔子者問孝問 所謂不言者非謂絕而無言盖其言者解而又不主於 事之切於世者是以言之甚詳至於性也百不一二言 之或因言而及馬非為性而言也故雖言而不究予之 改卷之卒

常以有以率之也樂記亦曰感物而動性之欲者明物 習而言也中庸曰天命之謂性率性之謂道者明性無 舒定四库全書 十二子之所問者學之終身有不能達者矣於其所達 而不完也修少好學知學之難凡所謂六經之所載七 習與所感而動與所以率之者爾予故曰因言以及之 之感人無不至也然終不言性果善果惡但戒人慎所 他因以知七十二子亦以是汲汲而不暇也又以 之終身有不能至者矣以予之汲汲於此而不暇守

次巴口取心 性說以窮聖賢之所罕言而不究者執後儒之偏說事 以不修人不可以不治使性果惡耶身不可以不修人 身治人而已性之善惡不必究也使性果善那身不可 無用之空言此子之所不暇也或有問曰性果不足學 聖賢所皇皇汲汲者學之行之或未至其一二而好為 聖人所以教人垂世亦皇皇而不服也今之學者於古 不可以不治不修其身雖君子而為小人書曰惟聖問 乎予曰性者與身俱生而人之所皆有也為君子者修 歐陽文粹 +10

是也治道失人斯為惡矣書曰殷頑民又曰舊染污俗 念作聖是也治道備人斯為善矣書曰黎民於變時雅 失七十二子之不問六經之不主言或雖言而不究豈 念作狂是也能脩其身雖小人而為君子書曰惟在克 略之哉盖有意也或又問曰然則三子言性過數曰不 是也故為君子者以修身治人為急而不窮性以為言 矣遂怠而不教則是過也使荀子曰人性惡矣遂奪而 過也其不同何也曰始異而終同也使孟子曰人性善

金少正屋石雪

意以為善者一日不教則失而入于惡惡者動而教之 過也然三子者或身奔走諸侯以行其道或者書界千 **プェラー・ナー** 用 之樂記之慎物所感皆合夫三子者推其言則殊察其 其說與書之習與性成語之性近習遠中庸之有以率 則可使至於善混者驅而率之則可使去惡而就善也 萬言以告于後世未當不區區以仁義禮樂為急蓋其 不教則是過也使揚子曰人性混矣遂肆而不教則是 心則一 故予以為推其言不過始異而終同也凡論 张易之 年

此好學之謙言也修材不足用於時仕不足祭於世其 三子者以予言而一之則競競者可以息其予之所說 多定四库全書 如此吾子其釋馬 可禦之勢何以至此然猶自患侵長莫有開之使前者 及少定而視馬總數百言爾非夫辭豐意雄需然有不 前唇示書及文三篇發而讀之浩浩子若千萬言之多 毀譽不足輕重氣力不足動人世之欲假譽以為重借 答异充秀才


力而後進者異取於修馬先軍學精文雄其施於時又 昔孔子老而歸魯六經之作數年之項爾然讀易者如 關于心曰吾文士也職于文而已此其所以至之鮮也 馬爾盖文之為言難工而可喜易悅而自足世之學者 往往溺之一有工馬則曰吾學足矣甚者至棄百事不 始不為道而至者鮮馬非道之於人遠也學者有所弱 所責得非急於部道不擇其人而問馬者數夫學者未 非侍修譽而為重力而後進者也然而惠然見臨若有

たこうえんに

á

歐陽文粹

者道未足也若道之充馬雖行乎天地入于淵泉無不 前世之文侍以為學者又而已故愈力愈勤而愈不至 金克四庫全書 子皇皇不服著書首卿蓋亦晚而有作若子雲仲淹方 無春秋讀書者如無詩何其用功少而至於至也聖人 此足下所謂終日不出於軒序不能縱橫高下皆如意 勉馬以模言語此道未足而强言者也後之感者徒見 之也先華之文治乎需然可謂善矣而又志于為道 之文雖不可及然大抵道勝者文不難而自至也故盖 



歐陽文粹卷七		100,000			銀定匹庫全書
& <del>\</del>					整七
					7.17

欽定四庫全書 張明文粹卷八至

詳校官庶吉士臣范建思

檢討臣何思釣覆勘 總校官無吉士臣倉聖那 校對官中書臣孫 球

謄録監生 臣華春芳

大己可見 11 示書通 歐陽文粹 詩賦雜文兩策諭之曰一覽以為 之問足下卒然及之是以愧 一者之問又其少賤而長 亦未常有人問者以 宋 陳亮 編

法漸壞而今世無師則學者不尊嚴故自輕其道輕之 章與其當時之事後世莫及者其所從來深矣後世師 道尊然後萬敬篤敬然後能自守能自守然後果于用 道尚存故其學者各守其經以自用是以漢之政理文 果於用然後不畏而不遷三代之良學校廢至两漢師 動何敢不報甚聞古之學者必嚴其師師嚴然後道尊 則不能至不至則不能篤信信不為則不知所守守不 不知所言雖然不遠數百里走使者以及門意厚禮

金万旦月を書

者為誰交遊之問能發足下之議論者為誰學不師則 人用心如足下者有幾士則鄉曲之中能為足下之師 甚高卓然有不顧世俗之心直欲自到於古人今世之 道之士世所鮮而未有合者由此也足下所為文用意 為急至於忘本趙末流而不返夫以不信不固之心守 因則有所畏而物可移故學者惟俯仰狗時以希禄利 有禄利之誘刑禍之懼以遷之哉此足下所謂志古知 不至之學雖欲果於自用莫知其所以用之之道又况

大己日戶 A.

歐陽文粹

也足下患也未有合者而不棄其愚將以具為合致敢 充實則發為文者輝光施於世者果毅三代两漢之學不過此 其意意得則心定心定則道紙道紙則充于中者實中 以言之不敢隱夫世無師兵學者當師經師經必先求 見及乃知足下是欲求其不至此古君子之用心也是 守不一議論不博則無所發明而究其深足下之言高 趣遠甚善然所守未一而議論未精此其病也寫惟足 下之交遊能為足下稱才譽美者不少今皆捨之遠而

金月四月在書

是真所謂勞而少功者哉然而經非一世之書也其傳 簡之中以求十歲失傅之繆茫乎前望已遠之聖人而 不可見香乎後顧無窮之來者欲為未悟決難解之感 得其真也儒者之於學博矣而又苦心勞神於殘編朽 道此未知於足下之意合否 之肯失其傅其有不可得而正者自非孔子復出無以 人至家恵書及補注周易甚善世無孔子久矣六經 答 宋 咸 歌易之卒

矣修學不敏明而又無强力以自濟恐終不能少出所 之善以補緝之無幾不至於大緣可以係聖人之復生 也然則學者之於經其可已乎足下于經勤矣凡其所 十雖未能復六經於無失而卓如日月之明然聚衆人 也使學者各極其所見而明者擇馬十取其一百取其 無所不欲正之其刊正補緝者衆則其所得亦以多 以補六經之萬一得足下所為故尤區區而不能忘 一日之失也其所以刊正補緝亦非一人之能

欽定四庫全書

人還惠書及始隐書論等并前所記獲麟論文解聽賜 也屬奉使出疆忽忽不具惟自爱 苔徐無黨

蓋吾子自信甚銳又當取信於某尚以為然誰能奉金 凡今治經者莫不患聖人之意不明而為諸儒以自出 院宣常人筆力可到至於辨論經肯則不敢以為是 說羽之也今于經外又自為說則是思沙渾水而投

土益之也不若沙土盡去則水清而明矣魯隐公南面

たとり見いす!

歐陽文料

會行師命將一以公書之於其卒也書曰公费則聖人 時魯人孰謂息姑不為君也孔子修春秋凡與諸侯盟 治其國臣其吏民者十餘年死而入廟立 諡稱公則當 誠以是也秋初許相訪此不子細略開其端吾子处能 於平王之說何相反之甚那故其常告學者慎于述作 子亦何從而云云也仲尼曰吾其為東周乎與吾子起 何從而知其攝公羊殼梁何從而見其有讓桓之迹吾 何當具隱於他公也據經隱公立十一年而薨則左氏

金月四月百十

えこうし ここ 前歲於洛陽得在鄆州時所寄書卒然不能即報遂以 相親者居則握手共席道歡欣既别則問疾病起居以 方之舟至京師修少與時人相接尤寡而察者無日不 自思而得之 聞若幸使盡識舟上人則公操之美可勝道哉凡人之 也修來京師己一歲矣宋州臨汴水公縣之譽日與南 及今然其勤心未必若書之怠而獨不知公操察不察 與石公操 欽易文件

道爾其或有過而不至于道者乃可為憂也近於京師 樂不以疾病為憂問是豈無情者子得非相期者在於 相為憂者常人之情爾若聞如足下之譽者何必問其 自得於古人不侍修之替也然有自許太高歌時太過 他乎聞之欣然亦不減握手之樂也夫不以相見為歡 頻得足下所為文讀之甚善其好古関世之意皆公操 見乃能盡然有一事今詳而說此計公操可朝聞而暮 其論若未深究其源者此事有本未不可卒然語須相

多定四庫全書

又巴口亞 2.th 行亦不過中君子但與世之庸人不合爾行非異世盖 揚雄亦曰如此然古之人或有稱獨行而高世者考其 今有之乎亦曰無也然則何為而若是曰特欲與世異 而已修聞君子之於學是而已不聞為異也好學莫如 邪曰非不能也書之法當爾邪曰非也古有之乎曰無 漸通吁何怪之甚也既以持以問人曰是不能乎書者 記石本始見之駭然不可識徐而視定辨其點畫乃可 改者試先陳之君即家有足下手作書一通及有二像 歐陽文幹

謹乎其始惟恐其見異而惑也令足下端然居乎學舍 其履中道東常德而然敷抑亦昂然自異以驚世人而 法雖天下皆好之猶不可為况天下皆非之乃獨為之 銀切に川生書 欲就之於中庸况令書前不師乎古後不足以為來者 也是果好異以取高數然您謂公操能使人譽者岂 不及而反棄之舉世斤以為異者數及其過聖人 之殿古之教童子者立必正聽不傾常視之母許動 八為師而反率然以自其顧學者何所法哉不幸 巻へ

未能諭僕之意非足下之不諭由僕聽之不審而論之 略陳馬足下雖不以僕為在愚而絕之復之以書然果 襄城丧其夫匍匐将任視之故不能盡其所以云者而 前同年徐君行因得寓書論足下書之怪時僕有妹居 為憂而敢告也惟幸察之 他日有責後生之好怪者推其事罪以奉歸此修所以 學者皆從而效之足下又果為獨異乎今不急止則懼 與石公操二 -致涉足卒

虞柳不過一藝已之所學乃,竟舜周公之道不必善書 自謂不能與前所聞者異然後知所聽之不審也然足 師見二像石本及聞說者云足下不欲同俗而力為之 之略之過也僕見足下書久矣不即有云而今乃云者 如前所陳者是誠可節矣然後一進其說及得足下書 爾人或不能與忽不學特不必論是以默默然及來京 何邪始見之疑乎不能書又疑乎忽而不學夫書一藝 下於僕之言亦似未審者足下謂世之善書者能鍾王

**金定四庫全書** 

老八!

其書而悅之者與啥飲茗閱盡過無異但其性之一解 柳之書者非獨足下簿之僕固亦簿之矣世之有好學 又云国僕之言欲勉學之者此皆非也夫所謂鎮王虞 變古為隸者非聖人不足師法然其點畫面直猶有準 華為鞠亦皆有法馬而况書半今雖禄字已變於古而 六書之學其點畫曲直皆有其說揚子曰斷木為暴抗 爾豈君子之所務必然至於書則不可無法古之始有 文字也務乎記事而因物取類為其來故周禮六藝有

汉它四車全書 ~ 歐門人村

於世 道 後食者此世人常爾若其納足於帽反衣而衣坐中案 其直者為斜以其方者為圓而曰我第行克舜周孔之 書之善否但患乎近怪自異以感後生也若果不能又 怪亦猶是矣足下了不省僕之意凡僕之所陳者非論 如母母不不之相近易之則亂不可讀矣今足下以 此甚不可也譬如設饌於案加帽於首正襟而坐然 可乎不可也則書雖未事而當從常法不可以為 飯實酒后而食日我 行克舜周孔之道者以此之

えるうにとい 者之不如今也是則仲尼一言不敢遺天下之後生足 安知世無明誠質厚君子之不為乎足下自以為異是 有獨具於世者以疾釋老斤文章之雕刻者此又大不 待天下無君子之與已同也仲尼日後生可畏安知來 可也夫釋老感者之所為雕刻文章簿者之所為足下 下一言待天下以無君子此故所謂大不可也夫士之 何必學僕豈區區勘足下以學書者乎足下又云我實 不為釋老與不雕刻文章者譬如為更而不受貨財盖 歌鳴文吟

前者舟行往來屢辱見過又辱以所業一編先之改事 氫定四庫全書 當之當之未服答宜遂絕而再辱書再而未答益宜絕 道當爾不足恃以為賢也屬人苦小疾無意思 而又辱之何其勤之甚也如修者天下窮賤之人爾安 能使及下之切切如是耶盖足下力學好問急于自為 唇書僕有罪之人人所共奪而足下見禮如此何 門而贄田秀才西來唇書其後予家奴自府還縣比 與樂秀才

久己日本·三 于時人非有卓然自立之言如古人者然有司過採養 見其所為者由此也僕少孤貧貪禄仕以養親不服就 第與士君子相識者多故往往能道僕名字而又以遊 少從進士舉於有司學為詩賦以備程試凡三舉而得 謂時文者皆穿蠹經傳移此儷彼以為浮薄惟恐不悅 師窮經以學聖人之遺業而涉獵書史姑隨世俗作所 從相爱之私或過稱其文字故使足下聞僕虚名而欲 而然也然蒙索僕所為文字者此似有所過聽也僕 歐陽文料

莫若順時天聖中天子下詔書物學者去浮華其後風 時文雖曰浮巧然其為功亦不易也僕天資不好而强 至學成而身唇為彼則獲譽為此則受禍此明效也夫 名譽者順時故也先輩少年志盛方欲取榮譽于世則 樂而當長者之知始大改其為庶幾有立然言出而罪 以先多士及得第己來自以前所為不足以稱有司之 俗大變今時之士大夫所為彬彬有两漢之風矣先輩 為之故此時人之為者尤不工然已足以取禄仕而竊 金牙口母全書

僕昨以吏事至漢東秀才見僕於叔父家以啟事二篇 慎不可學是以徘徊不敢出其所為者為此也若易之 於兩漢之士也若僕者其前所為既不足學其後所為 不荅幸家 **因曰有言不信謂夫人方因時其言不為人所信也今** 往學之非徒足以順時取譽而已如其至之是直齊肩 **ノ・アー・ファー** 可謂用矣安足為足下所取信哉辱書既多且切不敢 與郭秀才 歐陽文降

史務為文解不以無禽沒布為飾獨以言文其身而其 勢而主人必 禮以答之為陳酒散幣 董壺矢燕樂之具 則以虎豹之皮續畫之布以節之然後意達情接客既 讀其解温密華富甚可愛視秀才待僕之意甚勤而禮 将其意又為賦詩以陳其情令秀才好學甚精博記書 羊雉鶩之類致其意為贄而先既致其意又耻其無文 偕門刺先進自實階拜起旋群甚有儀坐而語諸甚謹 也古人之相見必有歡欣交接之誠而不能達乃取悉

銀定四庫全書

欽定四庫全書 八 此物可謂空言之爾秀才年且少貌厚色揚志銳學敏 子之來之雜珮以贈之取其知客之來豫儲珩璜琚瑪 人之具以為禮獨為秀才賦詩女曰鷄鳴之卒章曰知 勢既美其意既勤矣宜秀才責僕之各厚也僕既無主 澤奶鬱若贄以見當世公卿大夫非惟若僕空言以贈 之美以送客雖無此物猶言之以致其意厚也僕誠無 也必有分庭而禮加遵豆實幣蘸延為上賓者惟勉 因進其業修其辭暴練緝織之不已使其文采五色潤 しし 財防文料 +=

此乃世之浮道之交外陽相尊者之為非宜足下之所 紙前名後書且狀且牒如上公府退以尋度非謙即疏 行寓書存勞謂宜有所款曲以親之之意奈何一幅之一 之遊然而羣居平日幸得肩從齒序跪拜起居竊兄弟 皇作報既而私有思者修本愚無似固不足以希執友 陳君足下無恙近縣幹上府得書一角屬有少吏事不 之不已 與陳負外

文記四日 在時 臣或貴且尊或有權于時籍紳奏其門以傳嚮者謂舊 儀施於非公之事相參如今所行者其原盖出唐世大 意晓其下以戒以飭者則曰教下吏以私自達于其屬 日狀位等相以往來日移日牒非公之事長吏或自以 長而有所候問請謝者則曰機記書改故非有狀牒之 達名姓寓書於簡止於舒心意為問好惟官府吏曹凡 公之事上而下者則曰符曰檄問訊列對下而上者則 以賜修也古之書具惟有鈆刀竹木而削礼為剌止於 歐陽火幹 生

古隱候問請謝非公之事有狀牒之儀以施于尊貴長 禮不足為重務稍增之然始於刺謁有祭候起居因為 吏猶曰非古之宜用况又用之於肩從齒序跪拜起居 盖常俗所為積習以牢而不得以更之也然士或同 世不根古以為當然居今之世無不如此而莫以易者 然止施於官之尊貴及吏之長者其偽謬所從來既遠 之狀及五代始復以問候請謝加狀牒之儀如公之事 友締交遊以道義相期者尚有手書勤勤之意猶為近 師

勤耶將待以奉俗積習者而始用世禮以遇我之勤邪 脩啟嚮在河朔不能自問當集録前世金石之遺文自 左右屬以公檄赴滑臺行視驛傅與於促裝楊秀才曰 不然是為浮道以陽相尊也是以不勝奉奉之心謹布 如儿弟者乎豈足下不以道義交遊期我而惜手書之 三代以來古文奇字莫不皆有中間雖罪戾擴斥水陸 **語縣府中事可悉數** 與茶君謨

見しる 二十

歐陽之件

十四

我 追非特以其字畫之工邪然則字畫之法雖為學者 陋不足以示人既則自視前所集録雖浮屠老子說安 俗異是乃獨區區收拾世人之所棄者惟恐不及是又 當一日 也盖自慶歷乙酉連嘉祐士寅廿有八年而 得千卷顧其勤至矣然亦可謂富哉竊復自念好皆與 奔走顛危因踣無之人事吉凶憂患悲愁無聊倉卒未 可笑也因軟自叙其事庶以見其志馬然顧其文鄙意 金好四川全書 )說常見貶絕於吾儒者往往取之而不忍遽廢者何 冬八

幸察 有助而已哉僕之文陋矣顧不能以自傳其或幸而得 斯說謂宜有不能却也故輕持其說以進而不疑仕 而獲存者乃直以字畫而傅是其幸而得所託爾豈待 こうし 餘事亦有助於金石之傳也若浮屠老子之說當奪 託則未必不傳也由是言之為僕不朽之託者在君 揮毫之項爾竊惟君子樂善欲成人之美者或聞 歐陽文粹

	銀定四庫全書
歐陽文粹卷八	**

欽定四庫全書 改定四事全 夫知錢穀晚刑獄熟民事精吏幹勤勞夙夜以辦集為 臣竊以治天下者用人非止一端故取士不以一路若 文章論議與之謀應天下之事可以決疑定策論道經 功者謂之材能之士明於仁義禮樂通于古今治亂其 歐陽文 劄子 乞補館職 〈粹巻れ 歐陽文幹 宋 陳亮 縞

識者竭其謀故以材能之士布列中外分治百職使各 自写电影と言言 邦者謂之儒學之臣善用人者必使有材者竭其力有 賢輔出於儒學者十常八九也臣竊見方令取士之失 以大政使總治羣材衆職進退而賞罰之此用人之大 要而行之而又於儒學之中擇其尤者置之廊廟而付 辨其事以儒學之臣置之左右與之日夕謀議講求其 是以前世英主明君未有不以崇儒嚮學為先而名臣 也由是言之儒學之士可謂贵矣豈在材臣之後

道贤之嗟上有乏材之患此甚不可也臣謂方令材能 雅用然專以材能為急而遂忽儒學為不足用使下有 朝廷患百職不修務獎材臣故錢穀刑獄之吏稍有寸 之士不患有遺固不足上煩聖應惟儒學之臣難進而 **医在前材能而後儒學貴更事而賤文章自近年以來** こうこ 多棄滯此不可不思也臣以庸繆過蒙任使俾陪军 長片善為人所稱者皆已推用之矣夫材能之士固當 '後然平日論議不能無異同雖日奉天威又不得從 歌赐文作

於兩制 取進止 容曲盡拙 巨竊以館閣之職號為育材之地今兩府闕人 聖慈因宴間之餘 地也村下 論 兩制闕 得於其間 館閣取士 納今臣有館閣取士愚見具陳如列奏欲望 既難得而又難 人則必取於館閣然則館閣輔 則傑然而出為名臣矣其餘中 迁春覽或有可來乞常賜留意今 知故當博採廣求而多高之 相養材 则 必取

**副定四庫全書** 

欠足四事と与 **賢輔相矣其餘不至輔相而為一時之名臣者亦不可** 下即位以來所用兩府之臣一十三人而八人出於館 勝數也先朝循用祖宗舊制收拾養育得人尤多自陸 上優将養育以獎成之亦不失為佳士也自祖宗以來 也是以有文章有學問有材有行或精於一藝或長於 八九也祖宗用人初若不精然所采既廣故所得亦多 事者莫不畜之館閣而與養之其條然而出者皆為 用兩府大臣多矣其間名臣賢相出於館閣者十常 歐陽文粹

推或老病死亡見在館者無幾而新法戴阻近年全無 法如何所得之人多少也 改更之初矯失太過立法既峻取人遊難使下多遺賢 問此其驗也只自近年議者患館職之濫遂行羞華而 金岁四月八三世 選進臣令略具館閣取人舊制并新格則可見取人之 之嗟國有乏材之患今先朝收拾養育之人或已被運 舊制館閣取人以三路進士高科一路也大臣 路也歲月轉勞一路也進士第三人以上

シーンフェーショー 歲後第一人及第者須兩任回方得試自第二人 帶職此一路也今三路塞其二矣自科場改為間 方得試其餘等第並永不試則進士高科一路已 至第五人更永不試制科入第三者亦須两任回 路也兩府臣察初拜命各舉三兩人即時召試此 便試館職進士第四第五人經兩任亦得試此一 及第者并制科及第者不問等第並只 路也其餘歷任繁難久滞或寄任重處者特令 歐陽文粹 任替回

多定匹库全書 薦舉一路又塞矣惟有轉勞帶職一路尚在爾 則於薄內照名召試其如館閣本無員數無有闕 塞矣兩府大臣所薦之人並只上薄候館職有闕 時故自置簿來至今九年不曾點試一 此八員故選新進資淺人令久任而專一校讀所 齊整而館職多别有差遣不能專一校正乃别置 以先今作編校然後升為校勘為校勘四年後升 新制館閣共置編校八員本為館中書籍久不 卷九 人則大臣

九巴口戶 1十三 右以臣愚見編校八員自可仍舊每有負關令中書擇 無定員惟材是用不限人數今編校限以八員為 置編校後適值館問取人之路漸廢令議者遂只 定以此待天下之多士宜其遺材於下矣八 以編校為取士新格在時直館直院直閣校理皆 為校理為校理又一 内仍每七年方遇一負之闕而補一人以此知天 下滯材者聚矣 歐門人幹 年方罷編校别任差遣然自 £ 員之

金历四月五十 而與拔之今員文學懷器識磊落奇偉之士知名於世 而未為時用者不少惟陛下博訪審察悉召而且置之 館職養育三數年間徐察其實擇其尤者而權用之知 亦不為無益矣况中人上下養育獎成之不止十得 自古聖王所難然不以其難而遂廢但拔十而得 擬進陛下必欲年龍天下英俊之士則宜脫去常格 論編學士院制詔 表した!

急事有質疑有司無所檢證盖由從前雖有編録亦無 尚有編錄景祐以後漸成散失臣曾試令類聚收拾補 誤藏之有司乃是本朝之故實自明道已前文書草 士所作文書皆繁朝廷大事示於後世則為王者之訓 四夷封祀天地制作禮樂至於大臣進退政令改更學 臣伏見國家承五代之餘建萬世之業誅滅借亂懷來 類例卷第私是本院書吏私自抄寫所以易為廢失臣 級十已失其五六使聖宋之盛文章詔令廢失湮淪緩 歐易文件

次編成卷帙號為學士院草録有不足者更加求訪 今欲乞將國朝以來學士所撰文書各以門類依其年 動坑四庫全書 盖以近歲以來百司網紀相承廢壞事有曾經奏聞及 接續編聯如本行人更不畫時編録致有漏落許令本 足之仍乞差本院學士從下两員專切管勾自今已 院舉察理為過犯比臣本院常事也所以上煩聖縣者 判之官穩罷去則其事尋亦廢得所以止欲乞朝廷特 有聖吉指揮者僅能遵守若私是本司臨時處置其主

シュコロドルキラ 昏民得其口傳去聖既遠莫可考證偏學異說因自名 與收拾亡逸所存無幾或殘編斷簡出於屋壁而餘 不稱朝廷勵賢與善之意而所以化民成俗之風臣馬 建立學校而勤養士之方然士子文章未純節行未為 臣伏見國家近年以來更定貢舉之科以為取士之法 降指揮所貴久遠遵行不敢廢失令取進止 以為士之所本在乎六經而自暴秦焚書聖道中 論刑去九經正義中識律 歐陽文粹 <del>-</del>

亂怪奇龍僻所謂非聖之書異乎正義之名也臣欲乞 信也然其所載既博所擇不精多引識雄之書以相 論凡不本正義者謂之其端則學者之宗師百世之取 撰定九經之疏號為正義凡數百篇自爾以來著為定 句之篇家藏私畜其後各為箋傳附著經文其說存亡 家然而授受相傳尚有師法暨晉宋而下師道漸亡章 以時好惡學者於昧莫知所歸至唐太宗時始詔名儒 韶名儒學官悉取九經之疏刑去識緯之文使學 雜

起分 口月 台書

**、・デーン** 以為思獻納為職自祖宗以來尤精其擇苟非清德美 臣竊以學士待制號為侍從之臣所以承晏閒備顧問 本六經欲學六經而不去其龍異縣雜欲望功化之成 不可得也伏望聖慈下臣之言付外詳議今取進止 至少其為益則多臣愚以為欲使士子學古勵行而不 行舊然衆譽高文博學獨出一時則不得與其選是以 不為怪異之言感亂然後經義純一無所駁雜其用功 乞定两制負數 软陽文件

學士中書舍人知制語各有定員其餘學士待制未有 多往時學士待制至六七十員近年以來稍慎除拜 **金皮四庫全書** 士至待制此各立定員數遇有員關則精擇賢材以充 員數臣今欲乞檢詳前史及國朝故事自觀文殿大學 紳之望既除 知之矣而為國計者宜於此時創立經制今惟翰林 猶及四十餘員臣以為愛惜名器不輕授人朝廷既 用至與負數至少官以難得為貴人以得職為榮縉 則朝廷之體增重其後用人頗易自數漸

者多言不便尋即罷之近者伏見朝廷特置均稅一司 施行令取進止 其選尚無其人尚可虚位以待如九臣所請乞賜詳議 差官分往河北陕西均稅始間河北傳言人戶虚驚所 臣所言起自蔡州一縣以方田法均稅事方施行而議 臣為諫官時常首言均稅事乞差郭諮孫琳崇朝廷依 代桑東尚不為信次見陝西州郡有上言歲儉民饑乞 シャンフィンニ 論均稅 致易之华

均 女口 訴於三司然則道路傳言與州郡上言雖為不足信其 必行言者遂不能入近者又見河北人戶凡千百人 罷均稅者稍已疑此一事果為難行而朝廷之意決 聚集千人於京師此事不可掩蔽則民情可知失盖 色近 數內均減重者攤與冒佃戶却生立稅數配之此非 私以見在 稅數量輕重均之初不令其別生額外之 稅 非以規利而本以便民如此民果便中竊知朝廷 聞衛 州通利軍枯出民冒佃田土不於見在管 聚 在

一金 近 四 库全書

巻九

等其下等田有白蘇帶鹹地井鹹卤沙薄可殖地死沙 鹽且河北之民自祖宗以來蒙賜思邱於行鹽不禁極 年格管虚數並攤與見令人戶又聞以地肥齊定為四 額管推數外將帳頭自來極坐有名無納及夫開 朝廷本意而民所以諠訴也又聞澶州諸縣於見今實 行兩項遠年稅數並繫祥符景德已前以至五代長 不殖地並一 據鹽斤兩納稅今煎鹽者已納鹽稅又令更納田 例 均攤與稅數謂此雖不可耕種尚可煎 飲りし下 閣

銀定匹庫全書 鹽地分者亦均攤與稅又不知民何以納也澶衛去京 豈祖宗所以惠河北之民意又聞河南不殖之地繁禁 師近偶可聞知者如此其餘速地謂所均悉便於民其 民朝廷不知則已苟已知之其可不為我其失哉欲望 而不言害俗更貪功希賞見小利忘大害為國飲怨於 可得乎以此見朝廷行事至難小人希意承旨者言利 聖慈特賜指揮令均稅所私如朝廷本議将實推見在 數量輕重均之其餘生立稅數及遠年虚數却與放 七月 才

揮在樞府所有牧馬利害商量未了事件臣有愚見方 聞今事有不便臣固不敢緘默令取進止 等與臣共議利害欲有改更為未見得牧地善惡多少 難為廢置欲乞差官先且打量牧馬草地次臣遠蒙思 臣為學士日無充羣牧使朝廷以馬政久弊差吳中 免及未均地分並且罷均且均稅一事本是臣先建言 論牧馬草地

久三日年二十

條陳今聞諸監所差官各將前去竊縁監牧帳管舊

歐陽文粹

奏其已為民間侵耕地土更不根究盖以本議欲以見 於置改更候逐官回日令相度收馬所 明立封標界至因便相度其地肥審宜與不宜收馬其 欲乞令差去官私據見在草地逐段段打量的實項畝 行根究必亦難明徒為追擾未見其利民先被害臣今 祖世業失却契書無憑照驗但追呼騷擾而已令若更 種年歲已深昨已曾差高訪等根括打量人戶多稱父 地甚多自來界至不明官私作弊積久為民間侵占耕 據利害學劃中

金分に屋在書

おん

者幸蒙朝廷因言事之官有所陳述選差臣察相度更 官司失守積習成弊匪止一時前後因循重于改作 於民間養馬等事利害甚多臣當續具奏聞其不根究 こうご 臣所領羣牧司近准宣差吳中復王安石王陶等同共 侵耕地土一 度監牧利害事竊以國馬之制置自祖宗歲月既深 牧地給與民耕豈可却根究已耕之地重為騷擾至 論監收 事伏乞先賜指揮今取進止 默易文年

左右廂監水地頭躬親按視至於土地廣狹水草善惡 熟於其事然後可以審詳裁制果决不疑盖謀於始 改臣以為監牧之設法制具存條目既繁弊病亦衆若 權暫差臣仍於吳中復等三人內更差一人與臣同詣 更張創立制度則凡於利害難以遇度必須目見心時 不精則行於後也難久况此是臣本職豈敢解勞欲气 坐 時奪牧吏卒勤情以至牝壮種類各随所宜棚井 按文籍就加增損恐不足以深革弊源如欲大為

**超定匹库全書** 

文己日臣 かか 竊思今之馬政者皆因唐制而今馬多少與唐不同者 周遍然後更將前後臣察路請與衆官參詳審處與其 既詳究其根源無旁採於衆議如此不三數月間可以 凉亦有便否嚮何以致馬之耗減今何以得馬之酱滋 寧東接銀夏又東至於樓頓皆唐養馬之地也以今考 坐而遥度倉卒改更其為得失不可同日而論也臣又 西起雕右金城平京天水外暨河曲之野內則岐幽 其利病甚多不可悉舉至于唐世牧地皆與馬性相宜 歐陽文料

水甘最宜收養往時河東馬軍常在此處收放今馬 嵐右之間山荒甚多及汾河之側草地亦廣其間草, 之或陷沒夷狄或已為民田皆不可復得惟今之河東 全少閒地極多此乃唐樓煩監地也可以興置一監臣 其 臣住年因奉使河東當行威勝東以及遼州平定軍見 以為推迹而求之則棲煩天池元池三監之地尚其可得又 地高寒必宜馬性及京西唐汝之間久荒之地其數 不耕之地甚多而河東一路山川深峻水草甚佳其

金与四周五書

新監則河北諸監內有地不宜馬處却可議行廢罷惟 求草地有可以與置監收處如稍見次第即乞朝廷差 者必多於其多中時得好馬若有司惜費則舊部利薄 估馬一司 利害最為易見若國家廣捐金帛則券馬利厚來 官與羣牧司官員同共往彼路行學劃若可以與置 廣欲乞更下河東京西轉運司差官就近於轄下訪 馬來漸少無亦好馬不來然而招誘之方事非一體亦 えいりし ここ 須知其委曲欲乞特差羣收司或禮寫院一員真至秦 歌動文件 10

臣伏見龍圖閣直學士司馬光德性淳正學行通明自 吳中復等檢閱本司文字講求商議未就之間已各來 服藥之後羣臣便以皇嗣為言五六年間言者雖多而 列侍從久司諫諍讀言嘉話著在兩朝自仁宗至和 賜施行今取進止 州已來體問蕃部券馬利害凡此三者雖暫差官此及 可以然酌相度庶不倉卒輕為改更如允臣所請之 薦司馬光

銀定四庫全書

聽仁宗豁然開悟遂決不疑由是先帝選自宗藩入為 未有定議最後光以諫官極論其事數陳激切感動主 次三四草白書 一 言不酬無德不報光令雖在侍從日承眷侍而其忠國 政府因得備開其事臣而不言是謂蔽賢掩善詩云無 心先定故得天下帖然今以聖繼聖遂傳陛下由是言 皇子曾未踰年仁宗奄棄萬國先帝入承大統盖以人 之光於國有功為不沒矣可謂社稷之臣也而其識慮 深遠性尤慎密光既不自言故人亦無知者臣以恭在 歐陽文料

色而觸思諱者未當不終始保全往往亟加雅用此 速效欲微調則未能動將直陳則件貴權而旁有羣言 易論小事者既可鄙而不足為陳大計者又似迂而無 古明君聖主之所難也然而用言既難獻言者亦不為 臣伏見陛下仁聖聰明優容諫諍雖有狂真之士犯 負りてん 於泉力所陳多未施設其人處已改遷致陛下有聽 隐而未彰臣既詳知不敢不奏 薦王安石 吕公著 自

シーアーノニー 推守道安貧剛而不屈司封負外郎吕公著是夷簡之 陪盖縁臺諫之官資望已峻少加追權便履清華而臣 庶或其言可信伏見殿中丞王安石德行文學為東所 沈黙端正守節難進之臣置以諫署則既無干進之疑 約諫之意違陛下賞諫之心臣以為欲救其失惟宜擇 以多言使後來者其言益輕而人主無由取信辜陛下 言之動而未見用言之效頗疑言事之職但為速進之 下有厭人言者因此亦得進說直云此輩務要官職所 歐陽文粹

恩未知報效苟有所見不敢不言今取進止 數必能規正朝廷之得失裨益陛下之聰明臣切被榮 止兩員令陳官尚有虚位伏乞用此兩人補足四負之 安石久更更事無有時材曾召試館職固醉不就公著 彭克匹库全書 性樂閒退淡於世事然所謂夫人不言言必有中者也 子器識深遠沈静寡言富貴不染其心利害不移其守 往年陛下上遵先帝之制增置諫官四員已而中廢復